



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2-

3789

7

281.6  
lv-76

1870

2010



61

246

ԽՕՍԱԿՑՈՒԹԻՒՆ

ՄԵՌԵԼՈՑ

1870

Գրչ. Կ. Մոլիս

281.6  
Խ-76

2001

23043- 44

23043  
231.6 44

Ի Օ Ս Ա Կ Ց Ո Ւ Թ Ի Ի Ն

Մ Ե Ռ Ե Լ Ո Ց

Պետրոս առաքեալ և Սուրբ Գրիգոր Լուսաւորիչ՝ Արքայութեան մէջ իրարու հանդիպելով՝ այսպէս կը խօսակցին:

ԼՈՒՍԱՒՈՐԻՉ. Բարի լոյս, Պետրոս առաքեալ:  
ՊԵՏՐՈՍ ԱՌԱՔԵԱԼ. Եւ քեզ լոյս բարի, Սրբազան Հայրապետ:

ԼՈՒՍ. Ո՞ր ես, բարեկամ. քանի օր է որ գրեզ տեսնել կուզեմ:

ՊԵՏ. Իմ պաշտօնական տեղը Սրբայութեան դռան գաւիթն է, գիտես, հոն գալու էիր որ զիս տեսնէիր:

ԼՈՒՍ. Այս շաբաթ քանի անգամ որ գացի՝ դու հոն չէիր:

ՊԵՏ. Իրաւունք ունիս այս շաբաթ գրեթէ շարունակ Հայր Աստուծոյ հետ էի՝ որ ինձի գլուխ քերելու ժամանակ չըթողուց:

ԼՈՒՍ. Ո՞ր կերթայիր այսպէս արտօրնօք:

ՊԵՏ. Հայր Աստուած զիս կանչել տուաւ:

ԼՈՒՍ. Ի՞նչ գիտմամբ արդեօք:

ՊԵՏ. Ո՞վ գիտէ. բայց կը մակարերեմ որ Սրբազան Պապին վերաբերեալ խնդրոյ մը վրայ իմ կարծիքս հարցնելու համար է:

ԼՈՒՍ. (Ժպտելով) Հաւանական է:

ՊԵՏ. Ժպտեցար, Հայրապետ. իրաւունք ունիս ժպտելու, մանաւանդ թէ վրաս ծիծաղելու. վայ՛ իմ յաջորդիս, թէ որ օր մը այս իմ պաշտօնէս հրաժարիմ:

ԼՈՒՍ. Ինչո՞ւ:

1619



6191

ՊԵՏ. Հաւատա՛, Հայրապետ, վայրկեան մը հանդիստ չու-  
նիմ և գթալու արժանի եմ:

ԼՈՒՍ. Չարմա՛նք. թէ որ դու այսպէս խօսիս, ապա դը-  
ժոխոց դռնապանն ի՛նչ ըսէ. սահաւածիւ ոմանց դուռ բա-  
նալն ուր է, ամբաւ բազմութիւնը ներքսածելն ո՛ր է: Ես  
դռնապանութեան պաշտօնդ նախանձելի կարծէի եւ ոչ  
թէ անտանելի:

ՊԵՏ. Իրաւ, իմ պաշտօնս դիւրին կերեւայ, բայց իրօք  
դժուարին է. Մնչուչտ շատ մարդ ներս առած չունիմ,  
բայց ամէն օր խել մը դժոխք եւ կամ քաւարան գացող  
թափառական հողիներ սխալմամբ դռանս դարներու կու-  
գան. ասոնց ամէնուն դուռ բանալու է, ամէնուն հետ  
բանակցելու է, ամէնն ալ զատ զատ ուղղելու և ճամբայ  
դնելու է, շատ անգամ նաեւ մխիթարելու է: Այս դիւ-  
րին գործ է. դու դժոխք գացող հողի մը մխիթարած ու-  
նիս. ես այն բանն ալ ըրած եմ. Մնչածներս, բնաւ մոռ-  
նալու չեմ, միամիտ մեղքս որ մը հոս եկաւ, որուն դառ-  
նալ դժոխք երթալ շատ դժուար կուգար, « Բարեկամ,  
ինչո՞ւ յուսահատիս. յաւիտեանականութիւնն ալ վերջ մը  
ունի և Աստուծոյ ողորմութիւնն ամբաւ է, դարձեալ կը  
տեսնուինք », ըսելով՝ համոզեցի, ճամբեցի: Թողում այն  
պապական հողիներն որ ամէն օր դժոխքէն և կամ քա-  
ւարանէն փախչելով՝ կուգան հասկէ շուր խնդրելու և զոր  
յանդիմանելով կը վռնտեմ: Մօտերս այս անասի նեղու-  
թիւններս այնչափ շատցան որ բարկանալով՝ շարաթ մը  
դուռս մարդու չը բացի, որով պառաւ մայրապետ մը գոց  
դռան առջին շարաթ մը սպասելու պարտաւորեցաւ և սոյն  
պատճառաւ Աստուածածին զիս հրապարակաւ յանդիմա-  
նեց: Կարծես հիմայ որ իմ դռնապանութեան պաշտօնս  
նախանձելի է:

ԼՈՒՍ. Չէ, թէ որ զայն ձրի տալու ըլլան՝ հիմայ չեմ  
ընդունիր:

ՊԵՏ. Այս դեռ բան մը չէ. պաշտօնս դժուարին է, ճանձ-  
րալի է, բայց պաշտօն ըսել նեղութիւն ըսել է, և ես իմ  
բեռս, թէ և ծանր, համբերութեամբ՝ նաեւ սիրով կը

կրէի, թէ որ այս բեռին վրայ աւելի ծանր բեռ մ'ալ  
յաւերած չըլլային: Չիս, Հայրապետ, բռնի պապերուն  
փաստաբանն ըլլալու պարտաւորեցին, պատճառելով որ ես  
դըռն առաքելոց եմ և Հռովմայ առաքելական աթոռն  
իմ հաստատած աթոռս է, ուստի սոյն աթոռին վրայ յա-  
ջորդաբար նստող պապերն՝ Աստուծոյ առջին ես պաշտ-  
պանելու եմ:

ԼՈՒՍ. (ժողովով) Մանր պաշտօն:

ՊԵՏ. Այո, ծանր պաշտօն որ դիս կը պարտաւորէ, կա-  
մաւ ակամայ, պապերուն ամէն ըրածն արդարացնելու:

ԼՈՒՍ. Ինչո՞ւ կամաւ ակամայ:

ՊԵՏ. Նախ իմ պաշտօնս պաշտպանել է, չէ թէ ամբա-  
տանել և ամէն իր համբաւին հողացող փաստաբան, նաև  
թէ որ պաշտպանած մարդն անչուչտ մահու արժանի մա-  
հապարտ մ'ըլլայ, բնականապէս զայն արդարացնելու և  
աղատելու պիտի ջանայ: Բայց այս մէկդի թողում, ո՛վ է  
այն ամբաստանեալն որ պաշտպանելու եմ, իմ յաջորդս  
միթէ կարելի է որ ես իմ յաջորդս՝ փոխանակ արդարացը-  
նելու՝ դատապարտեմ և ուրիշ առաքելոց առջին խայ-  
տառակ ըլլամ. միթէ յաջորդիս պատին իմ պատուոյս պէս  
պահպանելու չեմ:

ԼՈՒՍ. Թէ որ Պապերուն որ եւ իցէ ըրածն արդարացնե-  
լու ես, պաշտօնդ ոչ միայն դժուար է, հապա նաեւ գրե-  
թէ պատիժ է:

ՊԵՏ. Որո՞ւ կ'ըսես, գոնէ յաջորդներս այս իմ պաշտօնս  
դիւրացնելու ջանային, բայց այն ալ ըրած չունին, մանա-  
ւանդ թէ՛ գողցես դիմամբ՝ զայն դժուարացնելու կ'աչ-  
խափին:

ԼՈՒՍ. Իրաւ, կը զարմանամ համբերութեանդ վրայ:

ՊԵՏ. Այո, զարմացիր, բայց համբերութիւնս հատնելու  
վրայ է, ինչու որ դանակն ալ սակորին դպաւ: Երկայնա-  
միա եմ, բայց չեմ ուղեր որ այս երկայնամտութեանս վրայ  
փտահելով՝ հետս խաղան: Եղբայր, այս Պիտա Իններորդին  
քահանայապետութեանն ՚ի վեր քաշածս ես միայն գիտեմ  
և այս առաջին անգամն է որ հեաղ ընտաներար խօսելով

կը յայտնեմք: Օր մը նոր հաւատոյ մաս մը կը հնարէ, ուրիշ  
 օր մը թագաւոր մ'իւր ազգին հետ կը նզովէ, օր մը ժողո-  
 վուրդէն իր օրինաւոր իշխանին դէմ և ուրիշ օր մը իշխանն  
 իր հաւատարիմ ժողովրդեան դէմ կը գրգռէ, օր մը կռա-  
 պաշտ թագաւորէ մը քանի մը անհոհեմ մարտիրոսներու  
 մահուան վրէժն առնելու համար էւրոպան ոտք հանելով՝  
 նոր խաչակրաց բանակ մը Ասիոյ վրայ կը թափէ և ուրիշ օր  
 մը անպաշտպան ազգերուն իրաւանց բռնի տիրելու կը ջա-  
 նայ, կոնդակ կոնդակի վրայ կը հանէ, բանադրանայ շան-  
 թերն պռատապէս աջին ձախին կը նետէ, միով բանիւ բո-  
 լոր աշխարհս անդադար կը խռովէ. ուստի ամեն ժամ, ա-  
 մեն վայրկեան նոր բողոք կայ անհանդարտ քահանայապե-  
 տին դէմ և ես պարտաւոր եմ ամեն բողոք հերքելու, թէ  
 և իրաւացի, և Աստուծոյ առջին յաջորդս արդարացնելու:  
 Իրաւ որ ճարս հատաւ, աս պատն իմ ճիւղաւ է, երբ որ  
 Անարատ Յղութիւնն հաւատոյ մասն ընել ուղեց. յաջորդս  
 ուրանալու վրայ էի, բայց Աստուածածնայ հաճոյ ըլլալու  
 համար՝ այն նոր հաւատոյ մասն ալ պաշտպանեցի, բայց  
 զայն Հայր Աստուծոյ ընդունել տալու համար հոգիս բե-  
 րանա եկաւ: Ինչ և իցէ, անցաւ:

ԼՈՒՍ. Ես թէ որ քու տեղդ ըլլայի, գոնէ այս փաստա-  
 բանութեան պաշտօնէս կը հրաժարելի:

ՊԵՏ. Հրաժարեցայ, եղբայր, բայց ազատելու հնարք  
 չը կայ: Անցածներս “Հայր Աստուած, ըսի, այս հազար  
 ութն հարիւր և այսչափ տարի է որ Հռոմայ քահանայա-  
 պետին պաշտօնական փաստաբանն եմ, կարծեմ թէ մար-  
 դու մը համար այսչափս բաւական է. կը խնդրեմ Ձեր Ա-  
 մենակալութենէն որ զիս՝ գոնէ քանի մը դար՝ արձակէք և  
 այս պաշտօնս ուրիշի յանձնէք”, բայց Հայր Աստուած  
 մտիկ չըրաւ և կարծեմ ընելու չէ. դարբերէ ՚ի վեր իմ երե-  
 սիս և բնութեանս փարժեցաւ և օտար երես տեսնել չուզեր:

ԼՈՒՍ. Խեղճ Պետրոս առաքեալ, հիմայ ի՞նչ պիտի ընես.  
 Հոռոմ տիեզերական ժողով մը կայ որ յղի է և մօտերս նոր  
 հաւատոյ մաս մը պիտի ծնանի:

ՊԵՏ. Աստուած տայ որ տղան վիժէ. իրաւ, Հայրապետ,

գիշեր ցորեկ այս նոր հաւատոյ մասին կը մտածեմ և վեր-  
 ջին աստիճան բարկացած եմ պապին դէմ որ այս խնդիրս  
 դուրս հանեց: Դեռ Հայր Աստուած ասոր վրայ իմ առջեւ  
 խօսք չբացաւ, բայց անշուշտ պիտի չուշանայ բանալու և  
 չը գիտեմ թէ ի՞նչ պատասխան տամ:

ԼՈՒՍ. Այս նոր հաւատոյ մասին վրայօք քու մասնաւոր  
 կարծիքդ ի՞նչ է:

ՊԵՏ. Այս հարցմունքդ աւելորդ բան է. գիտես որ բը-  
 նութեամբ ազատամիտ եմ, թէպէտ և պաշտօնով ազատա-  
 մբտութիւնն անիծելու պարտաւոր եմ: Օր մը Աստուած  
 խոնարհելով մարմնացաւ և մարդկացաւ, այսօր մարդս հը-  
 պարտանալով աստուածանալ կուզէ: Մարդկային իրաւանց  
 յափշտակող թշնամին, որ պատն ըսել է, այսօր Աստուծոյ  
 իշխանութիւնն անգամ իրեն գրաւելու կը ջանայ: Ձար-  
 մանք, ամբարտաւան մարդս այս աստիճան կուրանայ որ  
 զանձն անսխալ կարծէ: Ես, գլուխ առաքելոց, որ Որդին  
 Աստուծոյ հետ ընտանեբար կը խօսէի, անսխալ չէի և իմ  
 յաջորդս անսխալ է. սխալական մարդ մ'էի երբ Յիսուսին  
 արիւն քրտնելով ազօթած գիշերն ես հանդիստ քնացայ,  
 սխալական մարդ մ'էի երբ թուրս մերկանալով լրտեսող  
 տկունջ մը կտրեցի, և որ աւելին է, սխալական մարդ մ'էի  
 երբ իմ Աստուածս վրայէ վրայ երեք անգամ ուրացայ.  
 Թողում Պօղոսին հետ ունեցած վէճերս և ուրիշ սխալա-  
 կան գործերս, և այսու ամենայնիւ իմ յաջորդս անսխա-  
 լութիւնն ինձմէ ժառանգած է կրտէ, որով անսխալ կը  
 սխալի:

ԼՈՒՍ. Նայի՛նք Հայր Աստուած այս նոր հաւատոյ մասին  
 ի՞նչ պիտի ըսէ:

ՊԵՏ. Ճշմարիտ թէ որ այս այլանդակ խնդիրս պաշտպա-  
 նելու ըլլամ, զոր դեռ որոշած չեմ, յաջողելու յոյս չու-  
 նիմ: Այսպիսի բան Հայր Աստուծոյ ընդունել տալու հա-  
 մար՝ իմ ճարտասանութիւնս նաեւ չբբաւեր: Թէոր Որ-  
 դին Աստուած օգնութեանս համնելու ըլլայ, խօսք չունիմ,  
 բայց, այս առաջակայ խնդրոյս մէջ, Որդին Աստուծոյ միջ-  
 նորդութիւնն անգամ տարակուսելի է:

ԼՈՒՍ. Արդէն մարդիկ ամէն կողմանէ բողոքելու սկսան այս նոր հաւատոյ մասին դէմ:

ՊԵՏ. Իրաւունք ունին բողոքելու. թէ որ ես ալ գեռ աշխարհիս վրայ ըլլայի՛ կը բողոքէի: Ոմանք կարծեն թէ Պիոս պապն ալ այսօր ցնդած է և թէ խորհրդականներ թուն խողալիկն է և այս հաւանական է, բայց սոյն խորհրդականներուն անխոհեմութեանն ի՛նչ ըսեմ. միթէ երկու նոր հաւատոյ մաս վրայէ վրայ շինելու էին, մարդկանց տղխտութեան վրայ վստահին, խօսք չունիմ, բայց դոնէ մարտոյթեան համար դար մը թողլու էին: Թէ որ ամեն յաջորդներս այս պապին հետեւելու ըլլան, շարունակ նոր նոր հաւատոյ մասեր հնարելով՝ աշխարհիս վրայ անշուշտ հաւատք պիտի չը թողուն, և որ աւելին է, Սուրբ Պետրոսին դանձանալին ալ պարապ պիտի մնայ:

ԼՈՒՍ. Ապրիս, Պետրոս առաքեալ, ճշմարիտ խօսեցար: ՊԵՏ. Ես ճշմարտութիւնն երեք անգամ ուրանալէս ետեւ՝ միշտ խոստովանած եմ. բայց այս մէկդի թողում: Եղբայր, Բրիտոս օր մ' ինձի ըսաւ “ Գու ես վէմ եւ պիտի այս հիմնական վէմին վրայ իմ յաջորդներս ի՛նչ մաս չը շինեցին. անշարժական է և որ և իցէ բեռ կրնայ կրել ըսելով՝ վրան բուրդ մը կանդանեցին զոր օր ըստ օրէ բարձրացնելու կաշխատին: Բայց թէ որ ես հատաստուն եմ, կրամ բեռս չափէն աւելի է, նա մանաւանդ թէ խախտու է, և այս նոր անսխալութեան դատիկանն որ շինելու վրայ են՝ վախեմ թէ բողոք չէնքն անգամ չը կործանէ. և միթէ կարելի է որ չէնք մը բովանդակ կործանի և հիմնական քարն անշարժ մնայ:

ԼՈՒՍ. Թէ որ միայն նոր շինուած դատիկանն՝ աւերարդ գարով կործանի, հոգս չէ, որովհետեւ պապէն՝ կարգի նախներէն և խել կրօնամոլ եպիսկոպոսներէն զատ՝ այն դատիկանին մէջ բնակող պիտի չըլլայ, այս ստոյգ գիտեմ:

ՊԵՏ. Ո՛ր էր թէ այնպէս ըլլար. բայց իմ ենթադրութիւնս աւելի հաւանական է, ուստի մեծապէս հոգարս պատճառ ունիմ:

ԼՈՒՍ. Եկեղեցւոյն ապագան սեւ է, տարակոյս չը կայ:

բայց դու Սրբազան Բահանայապետին հետ խօսելով՝ ըսելու չէիր որ գացած ճամբան մոլար է, և թէ՛ թէ որ պապերն այս ճամբան չը թողուն, մտերս ճշմարիտ քրիստոնեան կանդեղով վնասուելու պիտի պարտաւորին:

ՊԵՏ. Հայրապետ, թէ որ դու պապերն անուամբ միայն գիտես, Պետրոս առաքեալ փորձով գիտէ. և թէ որ կարծես որ պապին հետ տեսնուիլ գիւրին բան է՝ մեծապէս կը սխալիս: Օր մը, ես, գլուխ առաքելոց, իմ ամբարտաւան յաջորդիս անգրասեղեկին մէջ չորս ժամ սպասեցի, անօթի փորանց, և քահանայապետին երեսն անգամ չը կրցայ տեսնել:

ԼՈՒՍ. Շատ բան:

ՊԵՏ. Այո՛, ըսածս ճշմարիտ է: Անցած ամիս, դժուարաւ կրցայ սպրդելով սրահին մէջ մտնել: Գժրադարաբայն օրն ալ ֆաղթէացոց հայրապետին դէմ բարկացած օրն էր: Գրասեղանին վրայ երեք հատ կտրած գրիչ եւ կործանած կաղամար մը և գորգին վրայ մեղանի աղտեր տեսայ, որ վերջացած պատերազմին նշաններն էին:

ԼՈՒՍ. Ի՛նչպէս դքեղ ընդունեցաւ:

ՊԵՏ. Նախ՝ զիս տեսնելով՝ ոչ միայն ոտք չեղաւ, հապա նաեւ ոտք երկնցուց որ համբուրեմ, օրպէս և սովոր է ընելու իրեն այցելութեան եկող հիւրերուն: Ես հարկաւ չը խոնարհեցայ. առաջ երեսիս զարմացմամբ նայեցաւ, յետոյ ուշադրութեամբ զիս դիտելով ճանչցաւ: Երկայն ժամս նակէ՛ ՚ի վեր զիս տեսած չըլլալուն համար՝ օտար երես մը տեսնել կարծեր, կարծեմ՝ նաեւ որ տեսութիւնն ալ իմացականութեանը պէս, տկարացած ըլլալու է: Առանց տեղէն շարժելու՝ գլխով բարեւ մը տուաւ և ըսաւ. “ Պետրոս առաքեալ, ի՛նչպէս անհրաման հոս դալու համարձակեցար և ո՛վ գրեղ ներս մտուց ”: - “ Սուրբ Հայր, ըսի, կարծեմ թէ Բրիտոս Տէրն մեր սենեկապետ չունէր և պէտք չէր հրաման առնել Որդւոյն Աստուծոյ մօտենալու և խօսելու համար ”: Եւ պատասխանիս վրայ՝ մէկէն ճակատն ամպոտեցաւ, բանազրանաց շանթերն աչքերուն մէջ փայլեցան, բայց շուտով իմ ո՛վ ըլլալու յիշելով՝ զիջաւ: Իսկ ես, փոր-



ձով գիտելով որ իմ յաջորդս չատոնց ՚ի վեր ատու թիւնն  
 իբրեւ ճշմարտութիւն ընդունելու վարժած է և ճշմարտու  
 թիւն մը լսելով սուրբ ականջն աղտոտել կարծէ, չը զար  
 մացայ այս բարկութեան վրայ: - «Պետրոս առաքեալ, ը  
 սա Պիոս, գիտեմ որ դու Սուրբ ես, գլուխ առաքելոց  
 և դռնապան արքայութեան, այսու ամենայնիւ հետս այս  
 պէս ընտանեբար խօսելու չես: Որո՞ւ կողմանէ հոս եկար և  
 ի՞նչ պատճառաւ, պատասխանէ:», Եւ ես պատասխանեցի.  
 «Իմ կողմանէս եկայ՝ քեզ, Սուրբ Հայր, խրատ ապու հա  
 մար որ պատգամն անխաղութիւնն հաւատոյ մաս ընել չաչ  
 խատիս, խելք չէ. երկու նոր հաւատոյ մաս մի և նոյն քա  
 հանայապետին ներել անկարելի է. միջին դարն ան  
 ցաւ, այս դարս ազատամիտ է, գիտես, ուստի խոհեմու  
 թեամբ զայն խաբելու է. լսէ հին ձկնորսի մը խրատին,  
 մարդս ալ ձկան պէս որսալու է:», Այս խրատիս վրայ  
 ալ աւելի բարկանալով՝ «Ե՛լ, գնա՛ քու պաշտօնդ կատա  
 րէ, ըսաւ, ձկնորսէ մը դաս առնելու ժամանակ չունիմ:»,  
 Ես չը խռովելով՝ «Սուրբ Հայր, ըսի, զգուշացիր՝ խորա  
 մանկ շողքորթներէն և անմիտ խորհրդականներէն որ գի  
 տութեամբ կամ անգիտութեամբ գրեզ մողորեցնելու կը  
 ջանան. ոչ շողքորթ աղուէսին հաւատաս և ոչ անմիտ սա  
 դին վրայ վստահիս. աղուէսին ուղածն ի՞նչ է, քու պա  
 րարտ հաւերդ ուտել է. սագերն որ ըսես, իրաւ անգամ  
 մը զՀռոմ աղատեցին, բայց թէ որ նորէն անոնց պահպա  
 նութեան վստահիս, վայ Հռոմին:», Նայիս Պիոս կրակ  
 կարեցաւ. «Ե՛լ, կորիր, անմիտ ձկնորս, ըսաւ պոռպով,  
 միւսանգամ հոս ոտք կոխելու չես մինչեւ որ գրեզ կան  
 չեմ տամ:», Սոր վրայ ես նաեւ բարկացայ և օրհնած  
 բերանս բանալով՝ «Ամիտ քահանայապետ, ըսի, վայ այն  
 եկեղեցւոյն որու գլուխ ես դու. իրաւամբ Տաճիկն ըսաւ  
 որ ձուկ մը գլխէն կրակի հոտելու: Վանէ գիս, իմ հոգս  
 չէ. բայց սպասէ, մօտերս պիտի գամ և անհրաման՝ գրեզ  
 տեսնելու և այն օրն ալ քու վերջին օրդ պիտի ըլլայ: Յի  
 չէ որ քահանայապետութեանդ քսան և հինգերորդ տա  
 րին մօտեցաւ և թէ մօտերս Արքայութեան դռնապանին

բարեհաճութեան կարօտ պիտի ըլլաս:», Չարհուրած  
 նայեցաւ երեսիս, բայց ես վայրկեան մ'ալ չը կեցայ՝ դուրս  
 ելայ. ի՞նչ կրօնս Հայրապետ, պապին այս կերպ ընդունե  
 լութեան վրայ:  
 ԱՌՍ. Ի՞նչ ըսեմ, կարելի է որ ամէն օր Հոգւոյն Սրբոյ  
 հետ ընտանեբար խօսի և ամբարտաւան չըլլայ, ի՞նչ ես  
 դու, մարդ մը. իսկ արդ պապն աստուածանալու վրայ է:  
 Երեք ամիս եղաւ որ Հոգին Սուրբ հոս ոտք չը կոխեց. ըսա  
 ոմանց՝ վաթիգանին մէջ մասնաւոր դատիկոն մ'ունի ուր  
 գրեթէ բանտարկուածի պէս է:  
 ՊԵՏ. Ճշմարիտ է. բայց մօտերս օգափոխութեան պիտի  
 երթայ՝ թողութեամբ պապին, ինչու որ Հռոմայ կլիմային  
 չը կրցաւ վարժիլ:  
 ԱՌՍ. Լաւ, բայց դու՝ որ մօտերս Հռոմ գացիր՝ չըսես  
 հոն ի՞նչ կայ՝ ինչ չըկայ. տիեզերական ժողովոյն վրայօք ի՞նչ  
 նոր լուր ունիս:  
 ՊԵՏ. Հռոմ այսօր ճշմարիտ աշտարակ Բաբելոնի է, լե  
 դուներու խառնակութիւնն հոն տեսնելու է. հաւատա՛,  
 Հայրապետ, որ հոն երկու կարծիք չը լսեցի որ իրարու  
 ճիշդ համաձայնէին: Տիեզերական ժողովն որ ըսես՝ ճշմա  
 րիտ սպանդարան մ'է ուր՝ աշխարհիս չորս կողմէն՝ խեղճ  
 եպիսկոպոսներն ոչխարի պէս բերին մորթելու համար: Ա  
 սոնց գլխաւոր պաշտօնն, ինչպէս որ գիտես, պապին ան  
 որխաղութիւնն հաւատոյ մաս ընել է, և զայս հաստատե  
 լով՝ իրենք իրենց ժառանգական իրաւանց յափշտակու  
 թեան վճիռն ստորագրած պիտի ըլլան: Եւ որ պապն ան  
 սխալ ըլլայ, հարկաւ այնուհետեւ տիեզերական ժողովք  
 կազմելու պէտք չունի և որ և իցէ քահանային, եպիսկո  
 պոսին կամ հայրապետին պապին դէմ բողոքել անկարե  
 լի է:  
 ԱՌՍ. Իրաւ, պապին այս բրածն ի՞նչ է՝ թէ չէ մահա  
 պարտին իր մահու վճիռն ընծայել որ ստորագրէ. ի՞նչպէս  
 եպիսկոպոսներն ասոր պիտի հաւանին:  
 ՊԵՏ. Պիտի հաւանին, տեսնես, պիտի հաւանին, ոմանք  
 կամաւ և ոմանք բռնի: Ասոնց թշուառ վիճակին վրայ քա

նի որ մտածեմ, այլանդակ պատկեր մը կը յիշեմ զոր դրա-  
վածառի մը խանութին մէջ տեսայ, երբոր ութսուն տարի  
առաջ, վօլթերին և Ռուսոյին չար սկզբանց Գաղղիոյ մէջ  
տարածելուն պատճառաւ, Հայր Աստուած դիտ՝ իբրեւ ար-  
տաքոյ կարգի դեռպան՝ փարիզ զրկեց որ վերոյիշեալ ակ-  
տին տարածման վրայ իրեն ստոյգ տեղեկութիւն մը բե-  
րեմ: Գաղղիոյ այն օրերն ողբալի օրեր էին. թագաւորն  
այն թոյլ և վարանող իշխանն էր որ գլխատութեամբ մե-  
ռաւ: Տէրութիւնն արքունի գանձին աղքատութեան դար-  
ման գտնել ուզելով՝ ժողովրդեան երեք կարգերուն, որ  
ըսել է՝ կղերականներուն, ազնուականներուն և քաղաքա-  
յիներուն երեսփոխաններն հրաւիրած էր գալու՝ ընդհա-  
նուր ժողով մը կազմելու, որով կրկին և կրկին անգամ  
սխմած լեմնն այս անգամ այնպէս պիտի քամէր որ չոր  
կեղեւ մը միայն պիտի թողուր: Եւ ահա տեսած պատկերս  
այս ժողովոյն այլանդակ նմանութիւնն էր. նայիս՝ գէր տան-  
տէր մը, որ թագաւորն էր, բակին մէջ նստած էր և չորս  
դին շատ մը հաւեր, սագեր և բաղեր կային՝ որ ժողո-  
վրդեան այլ եւ այլ կարգերուն նշանաւոր անձերն էին .  
և տանտէրն ասոնց խօսելով՝ « Սիրելի հաւերս, սագերս և  
բաղերս, կ'ըսէր, դիտէ՛ք թէ ինչու զձեզ հոս ժողովցի: »  
— « Զէ », կը պատասխանէին միաբերան: — « Զձեզ հոս ժո-  
վցի որպէս զի դուք՝ ձեր բերնով՝ որոշէք թէ ո՞ր համե-  
մով ( սալցա ) ես զձեզ ուտելու եմ: » — ( նոյն հանուր աս-  
շուածիւն և լուծիւն . վերջապէս քաջ աքաղաղ մը ( քա-  
նի որ աքաղաղն յիշեմ՝ իմ սխաղականութիւնս միտքս կու-  
գայ ) լուծիւնն ընդհատելով և բողբոջելով « Բայց պա-  
րոն նախագահ, կ'ըսէր, մենք չենք ուզեր որ զմեզ ուտես »,   
Եւ նախագահն աքաղաղին դառնալով կ'ըսէր, « Լուծիւնն  
պարոն աքաղաղ, առաջարկեալ ինդիրէն հեռացար . որ Բ-  
անլ էր՝ ես զձեզ պիտի ուտեմ, զայս որոշած եմ, դուք  
միայն համեմին վրայ վիճելու ազատութիւն ունիք »: Ահա՛  
Հռոմայ սխողոսին ճշմարիտ վիճակն ալ այս է:

ԼՈՒՍ. Շատ բան . պապին որկրամոլութեան վրայ ինչո՞ւ  
զարմանամ, զայն հուռց գիտեմ. բայց եպիսկոպոսներն ան-

գամ պապին կերակուր ըլլալու հաւանին, այս է զարմա-  
նալին:

ՊԵՏ. Յիշէ, Հայրապետ, որ երեւելի բանաստեղծ մ'ըսաւ.  
« Թո՛ղ բացարձակ կեսար տիրէ մեր վրայ »  
Միայն թէ կոյր ուամիկն ըլլայ մեզ ծառայ »:

Ահա՛ կղերականներուն ամեն ընթացքին շարժառիթն այս է-  
թէ որ գթաս՝ գթա՛ ժողովրդեան վրայ և չէ թէ առաջ  
նորդներուն վրայ որ կատուի պէս՝ նաեւ թէ որ ինքն  
իրենց չորս թաթերուն վրայ միշտ կ'իյնան:

ԼՈՒՍ. Իրաւունք ունիս: Հիմայ այս թողունք . գիտե՛ս  
ինչո՞ւ համար Հայր Աստուած զքեզ կանչել տուաւ:

ՊԵՏ. Զէ . Գու գիտե՛ս:

ԼՈՒՍ. Գիտեմ:

ՊԵՏ. Ըսէ ուրեմն:

ԼՈՒՍ. Երբոր Հռոմ գայիր՝ Հայոց վրայօք անշուշտ շատ  
բան լռեցիր:

ՊԵՏ. Շատ . պապին անսխալութեան խնդիրն ամեն խօ-  
տակցութեան գլխաւոր նիւթն է և անմիջապէս հետեւողն  
Հայոց խնդիրն է . բայց այս վերջին խնդրոյն վրայօք, ըս-  
տոյգ տեղեկութիւն առնելու ժամանակ չունեցայ . ուստի՛  
մասնաւորապէս այս բանիս համար՝ հետդ տեսնուիլ կ'ու-  
զէի: Ի՞նչ է այս խնդիրս, կ'աղաչեմ:

ԼՈՒՍ. Թաղէոս՝ առաքելական ընկերդ՝ գիտես:

ՊԵՏ. Անշուշտ գիտեմ: Երբոր Հայաստան երթալու՝ ա-  
ւետարանելու եղաւ, անոր աղաչեցի որ հոնկէ Նոյ նահա-  
պետին տապանակէն կտոր մ'ինծի զրկէ, խոստացաւ՝ բայց  
մոռցաւ:

ԼՈՒՍ. Զարմանք չէ . միթէ գլուխ քերելու ժամանակ  
ունեցա՞ւ հոն:

ՊԵՏ. Հոգ չէ . ես յետոյ Նոյին հետ արքայութեան մէջ  
տեսնուելով՝ զեկին մէկ կտորն անկէ ուզեցի՝ առի և դեռ  
կը պահեմ իբրեւ հնութիւն . ինչ եւ իցէ, խօսքդ շարու-  
նակէ:

ԼՈՒՍ. Թաղէոս Հայաստան գալով և Հայոց քարոզելով՝

չատ մարդ քրիստոնէութեան դարձուց , Աբգար թագաւորէն սկսելով , և Ադդէն կաթողիկոս Հայոց ձեռնադրեց :

ՊԵՏ. Ասոնք գիտեմ :

ԼՈՒՍ. Ժամանակ անցաւ , Աբգար մեռաւ , Աբգարին յաջորդներն իրենց հին կուսպաշտութեան դարձան և նոր քրիստոնէայներուն մեծ մասն ալ նմանապէս քրիստոնէութիւնն ուրանալով՝ կուսպաշտ եղան . բայց քրիստոնէութիւնն ամբողջ չը մեռաւ Հայոց մէջ . սակաւաթիւ ոմանք հաւատարիմ մնացին և անոնցմէ սերող Հայերն Ադդէին յաջորդներն իբրեւ օրինաւոր Հայրապետ Հայոց ճանչցան :

ՊԵՏ. Ճշմարիտ է :

ԼՈՒՍ. Երբոր ես Հայաստան գալով քարոզելու սկսայ , ժողովրդեան նորակրօն մասն արդէն բազմացած էր : Անոգուտ է իմ պատմութիւնս պատմել , զոր Գու գիտես . միայն այս պարագան քեզ յիշեցնել կ'ուզեմ որ երբոր Տըրգատ թագաւորն ապաշխարելով դարձաւ քրիստոնէայ եղաւ , զիս իբրեւ Ադդէին օրինաւոր յաջորդ և Հայոց կաթողիկոս ճանչցաւ , և ժամանակակից Սեղբեստորոս պապն ալ այս իմ ազգային ընտրութիւնս իբրեւ օրինաւոր հաստատեց . յետոյ՝ Հռոմայ առաքելական աթոռին վրայ յաջորդաբար նստող պապերն իմ յաջորդներուս ազատ ազգային ընտրութիւնն նմանապէս հաստատեցին , առանց երբէք Հայոց եկեղեցւոյն ներքին կուսավարութեան մէջ ձեռք մխելու : Բայց այս մտերս դժբաղդաբար եկեղեցւոյս մէջ երկպառակութիւն ընկաւ և երկու գլխաւոր ճիւղերէն մին էջմիածնական՝ միւսն ալ կաթողիկ անուանեցաւ . բայց այսու ամենայնիւ երկուքն ալ Լուսաւորչական Հայ անուան հաւատարիմ մնացին : Ես այսօր երկուքն վրայ ալ նոյն հոգւով կը հոգամ և երկուքն ալ նոյն սիրով կը սիրեմ , ինչո՞ւ խտրութիւն ընեմ . թէ որ ճիւղերն իրենց արմատական բունն ամենեւին չուրանան , բունն ալ ինչո՞ւ իր ճիւղերն ուրանայ : Էջմիածնական ճիւղին վրայ շատ հոգ ըրած չունիմ , բայց կաթողիկին համար միշտ սիրտս դողի մէջ էր և ահա՛ այսօր յայտնի եղաւ որ վախա իրաւացի էր :

ՊԵՏ. Ի՞նչ բնեւ կ'ուզես :

ԼՈՒՍ. Պետրոս առաքելալ , ինչպէս որ դու Հռոմայ քահանայապետական աթոռին փաստարանն ես , ես նաեւ իմ եկեղեցւոյս օրինաւոր պաշտպանն եմ :

ՊԵՏ. Ո՞վ չես ըսաւ , Հայրապետ :

ԼՈՒՍ. Գու իմ այս հարցմանս պատասխանէ . երբոր Գու Հռոմ էիր , թագէտսին և կամ Ադդէին կոնդակ ղրկեցելը :

ՊԵՏ. Այս ի՞նչ հարցմունք է . ես ոչ Հռոմէն և ոչ ուրիշ տեղէ կոնդակ ղրկած ունիմ թագէտսին և կամ Ադդէին : Նախ՛ ես բնութեամբ գրող չէի և կրտսեր եղբօրս Պողոսին պէս չէի որ , խօսքս մէջերնիս մնայ , խաբէութեամբ Եսաւին անդրանկութիւնն յախշտակող Իսահակին պէս , իմ անդրանկութիւնս իրեն դրաւելու ջանայ՝ բայց չը յաջողեցաւ : Այն պօղոս առաքելալն է որ սովոր էր ասդին անդին շարունակ նամակ ղրկելու . օր մը Կորնթացիներուն , օր մը Թեսաղոնիկեցիներուն , ուրիշ օր մ'ալ Հռոմայեցիներուն , առանց Գաղատացիներն անդամ մունալու : Յետոյ՝ երբոր առանց Գաղատացիներն քարոզին և Ադդէն Հայոց մէջ թագէտս իր առաքելական քարոզին և Ադդէն իր Հայրապետական պաշտօնին հոգալու հետ էին , ես Հըռոմայ գեանաւոր գերեզմանոցներուն մէջ պահուած՝ նորակրօն քրիստոնէից հետ կը պատարագէի , ամեն ժամ վախնալով որ հարիւրապետ մը չը գայ զմեզ ձերբակալելու և նահատակութեան տանելու , և հաւատա՛ որ ոչ թագէտսին և ոչ Ադդէին մտածելու վայրկեան մ'ունէի : Եւ ի՞նչ իրաւամբ թագէտսին առաքելական ընթացքին վերակացու ըլլայի , թագէտսին՝ որ իմ իշխանութեանս հաւասար իշխանութիւն ունէր և զիս միայն իբրեւ գլուխ և պատուոյ նախագահ առաքելոց ճանչնալու պարտաւոր էր :

ԼՈՒՍ. Լաւ , շարունակեմ ուրեմն : Երբոր Հայերուն մէկ մասն էջմիածնական մասէն զատուելով՝ կաթողիկ անուանեցաւ , Պենետիկոսոս չորեքտասաներորդ , քու յաջորդդ , Աբրահամ անուամբ եպիսկոպոս մը այս կաթողիկ Հայերուն կաթողիկոս ըրաւ և մասնաւոր կոնդակով՝ յիշած Աբրահամ Հայրապետս՝ իբրեւ իմ յաջորդս և Հայոց առաքելական եկեղեցւոյն սեպհական եղող իրաւանց օրինաւոր ժառանգ ճանչցաւ , և Պենետիկոսոսին յաջորդող պապերն ալ

նորնայէս իմ յաջորդներուս բաշխօն մը տալով զսհացան և անոնց ազատ իշխանութեան չը դպան :

ՊԵՏ. Ի՞նչ իրաւունք ունէին գոչելու :

ԼՈՒՍ. Սմենեւին իրաւունք չունէին, բայց այսօր՝ Պիոս իններորդ, որ նմանապէս քու յաջորդդ է, Հայ կաթողիկ եկեղեցւոյն իրաւանց բռնութեամբ արեւել կ'ուզէ և իր այս անիրաւ պահանջմանց օրինաւոր երեւոյթ մը տալու համար՝ կը հաստատէ որ դու, զլուխ առաքելոց և Հռոմէական եկեղեցւոյն հիմնադիր Հայրապետ, դու այս իրաւունքս ՚ի սկզբանէ չնորհած ես թաղէտին. ուստի և դու (որովհետեւ Պիոս և դու մէկ էք) կրնաս չնորհածդ դարձեալ այսօր ետ առնել :

ՊԵՏ. Անպարտ եմ, Հայրապետ. ես ոչ Հայոց եկեղեցական իրաւունք չնորհած եմ և ոչ այսօր չը չնորհած բանս դարձեալ ետ առնել կ'ուզեմ : Բայց զնեմ թէ չնորհած ըլլամ, ի՞նչ երեսով կրնամ հազար ութն հարիւր և այսքան տարի առաջ մէկու մ'ըրած պարզեւս այսօր պահանջել և բռնի ետ առնել : Բայց չէ, բան չնորհած չեմ. պնդողին Աստուած չնորհք տայ :

ՊԵՏ. Պնդողն ս'իլ է, քու յաջորդդ որ անխալ եմ կ'ըսէ :  
ԼՈՒՍ. Քաւ լիցի, ես անխալ չեմ. այսու ամենայնիւ մարդկային և՛ որ աւելին է՝ առաքելական դատողութիւն ունիմ՝ որ բաւական է այս խնդիրս լուծելու : Պատկին այս ըրածն անիրաւութիւն է և, թէ որ իմ յաջորդս չըլլար, աւագակութիւն է կ'ըսէի :

ԼՈՒՍ. Այո՛, աւագակութիւն է և ի՞նչպիսի աւագակութիւն. հարուստ մը գոյ՝ աղքատի մը անէն կարասին գողնայ, ի՞նչ ամթ է : Կը յիշե՛ս, Պետրոս առաքեալ, Նաթան մարդարէն Գառիթ թագաւորին խրատական առակ մը պատմեց : «Սմբաւ արջաւ ունեցող մեծատուն մը, ըսաւ, Զատկին ոչխար մը զոհելու եղաւ և իր ոչխարներէն մտրթել չուզելով՝ զնայ իր աղքատ գրացւոյն մէկ հատիկ ոչխարն՝ առանց խղճարու՝ գողցաւ և մտրթեց » . ահա այն ազանջ մեծատունն այս Պիոս պապն է : Նաեւ թէ որ Հռոմ հնուց մեզ չնորհք մ'ըրած ըլլար, զայն այսօր մեզմէ պահանջե-

լու չէր. միթէ կրնայ մարդ մը աղքատին թասին մէջէն իր տուած դահեկանն « իմն է » ըսելով հանել և առնել. բայց ոչ ողորմութիւն ընող կայ և ոչ ողորմութեան կարօտ աղքատ :

ՊԵՏ. Թէ որ ես օրինակ բերած աղքատդ ըլլամ՝ թասս այն անխոհեմին գլխուն կանցընեմ. գիտես որ բնութեամբ կրակոտ եմ, թէպէտ և այս իմ դռնապանութեան պաշտօնս զիս քիչ մը համբերող ըրաւ : Բայց խօսքդ ընդհատեցի, շարունակէ, Հայրապետ :

ԼՈՒՍ. Գէշն այս է որ, Տաճկին ըսածին պէս, անտառին մէջ տապար մտաւ և կոթն ալ մեզմէ է : Պետրոս ութըրորդ կիլիկիոց հայրապետին յաջորդեց խորամանկ մարդ մը որ պապին մասնաւորապէս սիրելի է, ինչու որ Հռոմայ խոնարհ ծառան է և երկայն ժամանակէ ՚ի վեր կաթողիկ հայերն աստիճանաբար լատինացեալու կը ջանայ : Այս մարդս որ հրապարակաւ խոստացած՝ նաեւ երդում ըրած էր ազգին եկեղեցական իրաւանց հաստատուն պաշտպանն ըլլալու և զանոնք ոչ երբէք մասնութեամբ Հռոմայ յանձնելու, Հռոմ գնաց և փոխանակ աշխարհածանօթ երդման հաւասարիմ մնալու, փութաց՝ զէնքերով հանդերձ՝ թըշնամեոյն անձնատուր ըլլալու : Ասոր վրայ ազգս մեծաւ մասամբ ոտք ելաւ և պապին անիրաւութեան և վերոյիշեալ իրաւանց աւանդապահ եզող անձին մասնութեան դէմ բողոքելով այս իրաւունքս պահանջեց յափշտակողէն, սակայն սակաւաթիւ ոմանք լատինութիւնն յանձն առին և ճշմարիտ կաթողիկ հայերուն բողոքին դէմ բողոքեցին. բայց ես զանոնք իբրեւ հարազատ զուակ չեմ ճանչնար և յիշած հաւերուդ կը նմանեցնեմ, այս տարբերութեամբ որ արդէն համեմին վրայ համամիտ եղած են և խոհարարին նաեւ փառք կուտան. բայց զասոնք թողում : Այս արեւելեան անուամբ պարծեցող ճշմարիտ կաթողիկ հայերուն բողոքին Հռոմ չափ մը ժամանակ մտիկ չըրաւ և պատասխան չը տուաւ. բայց վերջապէս, երբոր տեսաւ որ խռովութիւնն ազգիս մէջ՝ փոխանակ նուազելու՝ երթալով կաւեճար, մտածեց որ սպառնալով կրնայ ազգս վախցնել և իր անիրաւ-

հրամանին հնազանդեցնել, ուստի մասնաւոր նուիրակ մը  
 կոտորանդնուպօլիս զրկեց և անոր բացարձակ իշխանութիւն  
 տուաւ կապելու, լուծելու, կախակայելու, բանադրելու,  
 նզովելու, անիծելու, հարստահարելու, շանթահարելու՝  
 յանուն Հօր և Որդւոյ և հոգւոյն Սրբոյ: Սյս սարսափելի  
 մարդս Պօլիս եկաւ, շատ սպառնաց՝ բայց մարդ չը վա-  
 խուց. ազգս ամուր կեցաւ և քայլ մը ետ չառաւ: Ահա  
 ազգս հիմայ այս խռովեալ վիճակին մէջ է: Երէկ ես, Թա-  
 դէոս առաքեալ, Ադդէ կաթողիկոս, Մեծն Ներսէս կա-  
 թողիկոս, Աբրահամ կաթողիկոս, Մխիթար Աբբահայր,  
 Նարեկացին, Շնորհալին, Լամբրոնացին և քանի մը ուրիշ  
 ազգային սուրբեր, և աշխարհականներէն՝ Աբգար թագա-  
 ւոր, Մեծն Տրդատ, Վարդան Մամիկոնեան, եւայլն, ժո-  
 ղովք մը կազմեցինք, Հռոմայ բռնութեան և անիրաւ պա-  
 հանջմանց սահման մը դնելու և ազգիս մէջ հերձուած մը  
 խաբանելու համար, պապին դէմբողք մը դրեցինք և ա-  
 մենքս ալ ստորագրեցինք: Հիմայ այս բողոքագիրս Հայր  
 Աստուած կարգացած է և անշուշտ ասոր վրայ քու կար-  
 ծիքդ հարցնելու համար՝ դքեզ կանչել տուած է: Հոգիդ  
 սիրես, Պետրոս Առաքեալ, այս մեր դատին մէջ մեր կող-  
 մէն եղիր և կամ, թէ որ յաջորդդ դատասպարտել չուզես,  
 գոնէ չէզոք կեցիր:

ՊԵՏ. Չէ, չէզոք պիտի չը կենամ, Պիոսին անվայել ըն-  
 դունելութիւնն իմ պատուոյս դպաւ. նա՛ն աշխարհիս ցու-  
 ցընեմ որ ես պապին ձեռքին մէջ խաղալիկ մը չեմ, յե-  
 տոյ այս փաստաբանութեան պաշտօնէս բողոքովին հրաժարիմ:

ԼՈՒՍ. Կրնամ ուրեմն օգնութեանդ վրայ վատահիշ:

ՊԵՏ. Կրնաս. բայց Հայր Աստուած չը սպասէ. ողջամբ  
 մնաս, Հայրապետ:

ԼՈՒՍ. Ողջանմը երթաս, Պետրոս առաքեալ, Աստուած  
 գործդ յաջողէ:





3789



« Ազգային գրադարան



NL0030643



